

Pleidleisio drwy ddirprwy

Mae pleidleisio drwy ddirprwy yn golygu os na allwch fwrw eich pleidlais yn bersonol, y gallwch ofyn i rywun rydych yn ymddiried ynddo wneud hynny ar eich rhan.

Gallwch ddefnyddio'r ffurflen hon i wneud cais i bleidleisio drwy ddirprwy os na allwch bleidleisio'n bersonol oherwydd anabledd.

Ni ddylai'r ffurflen hon gael ei defnyddio os ydych wedi'ch cadw mewn ysbyty o dan Adran 145 o Ddeddf Iechyd Meddwl 1983 yng Nghymru a Lloegr neu Adran 329 o Ddeddf Iechyd Meddwl (Gofal a Thriniaeth) (yr Alban) 2003 yn yr Alban.

Mae'n rhaid eich bod chi a'ch dirprwy wedi cofrestru ac yn gymwys i bleidleisio.

Dim ond ar ran perthnasau agos a hyd at ddau berson arall y gall person fod yn ddirprwy mewn etholiad neu refferendwm.

Perthnasau agos yw gŵr/gwraig, partner sifil, rhiant, tad-cu/mam-gu, brawd, chwaer, plentyn neu ŵyr/wyres yr ymgeisydd.

Sut y gallaf wneud cais i bleidleisio drwy ddirprwy?

- Rhaid i chi ofyn i rywun sy'n barod i fod yn ddirprwy ar eich rhan a phleidleisio drosoch, ac sy'n gallu gwneud hynny.
- Llenwch y ffurflen gais pleidleisio drwy ddirprwy. Rhaid i chi roi rheswm pam bod angen i chi bleidleisio drwy ddirprwy a gall fod angen i rywun cymwys lofnodi eich cais. Gweler y nodiadau ar dudalen 2 am wybodaeth am bwy all ategu eich cais.
- Gwnewch yn siŵr eich bod yn cwblhau pob rhan o'r ffurflen ac yn rhoi eich dyddiad geni a'ch llofnod. Bydd angen i chi roi eich dyddiad geni a'ch llofnod ar y ffurflen gais hon. Mae angen y wybodaeth hon er mwyn atal twyll. Os na allwch lofnodi'r ffurflen hon, cysylltwch â thîm etholiadau eich cyngor.
- Dylech ddychwelyd eich ffurflen i dîm etholiadau eich cyngor. **Mae ei fanylion a rhagor o wybodaeth ar gael yn comisiwnetholiadol.org.uk/pleidleisiwr.**

Peidiwch â dychwelyd eich ffurflen i'r Comisiwn Etholiadol.

Pan fyddwch yn gwneud cais am bleidlais newydd drwy ddirprwy, rhaid i chi ddychwelyd eich ffurflen gais am bleidlais drwy ddirprwy erbyn **5pm, chwe diwrnod gwaith cyn y bleidlais**.

Pan fyddwch yn newid neu'n canslo pleidlais drwy ddirprwy, pleidlais bost neu bleidlais bost drwy ddirprwy, rhaid i chi ddychwelyd eich ffurflen gais am bleidlais drwy ddirprwy erbyn **5pm, 11 diwrnod gwaith cyn y bleidlais**.

Os nad ydych eisoes wedi cofrestru i bleidleisio, rhaid i chi gofrestru cyn gwneud cais am bleidlais drwy ddirprwy. Y dyddiad cau ar gyfer cofrestru i bleidleisio yw **hanner nos, 12 diwrnod gwaith cyn y bleidlais**. Cofrestrwch i bleidleisio ar-lein yn gov.uk/cofrestru-i-bleidleisio

Nid yw'r ffurflen hon na'r terfynau amser hyn yn gymwys i Ogledd Iwerddon. Ewch i eoni.org.uk am ragor o wybodaeth.

Cais i bleidleisio drwy ddirprwy oherwydd anabledd

Pwy all ategu fy nghais?

Os ydynt yn darparu gofal neu'n eich trin oherwydd yr anabledd, gall yr unigolion canlynol ategu eich cais:

- ymarferydd meddygol cofrestredig (gan gynnwys deintydd, optegydd, fferyllydd, osteopath, ceiropractydd neu seicolegydd)
- nyrs gofrestredig
- gweithiwr iechyd proffesiynol cofrestredig

Os yw'n darparu gofal, yn eich trin, neu wedi trefnu gofal neu gymorth o ran yr anabledd, gall yr unigolyn canlynol ategu eich cais:

- gweithiwr cymdeithasol cofrestredig

Neu gall yr unigolion canlynol ategu eich cais:

- rheolwr iechyd meddwl cofrestredig neu ei gynrychiolydd
- y sawl sydd wedi'i gofrestru fel rhywun sy'n rhedeg cartref gofal preswyl rydych yn byw ynddo
- warden yr eiddo rydych yn byw ynddo a ddarperir ar gyfer pobl o oedran pensiwn neu bobl anabl

Os ydych wedi'ch cofrestru'n ddall gan awdurdod lleol a bod eich cais yn seiliedig ar eich dallineb, nid oes angen i neb ategu eich cais. Rhaid i chi gwblhau rhan 4B.

Os ydych yn cael budd-dal (a restrir isod) oherwydd yr anabledd a nodir yn y cais, yna nid oes angen i neb ategu eich cais. Rhaid i chi gwblhau rhan 4C.

Budd-daliadau:

- Cyfradd uwch o elfen symudedd lwfans byw i'r anabl
- Cyfradd uwch o elfen symudedd y taliad annibyniaeth personol
- Taliad annibyniaeth y lluoedd arfog

Beth fydd yn digwydd ar ôl i mi ddychwelyd y ffurflen hon?

- Rhaid i'ch dirprwy fynd i'ch gorsaf bleidleisio leol i bleidleisio. Os na all eich dirprwy gyrraedd yr orsaf bleidleisio, gall wneud cais i bleidleisio drwy'r post ar eich rhan. Gall wneud cais i wneud hyn hyd at **5pm, 11 diwrnod gwaith cyn y bleidlais**. Gall gysylltu â thîm etholiadau eich cyngor i gael rhagor o fanylion a gofyn am ffurflen gais arall. Am fanylion cyswllt, ewch i comisiwnetholiadol.org.uk/pleidleisiwr.
- Caiff eich dirprwy gerdyn pleidleisio drwy ddirprwy sy'n dweud wrtho/wrthi ble a phryd i bleidleisio ar eich rhan.
- Dylech ddweud wrth eich dirprwy sut rydych am iddo/iddi bleidleisio ar eich rhan, er enghraifft, pa ymgeisydd, plaid neu ganlyniade.
- Os byddwch yn gallu mynd i'r orsaf bleidleisio ar y diwrnod pleidleisio wedi'r cyfan, gallwch bleidleisio eich hun ar yr amod nad yw eich dirprwy eisoes wedi gwneud hynny neu nad yw wedi gwneud cais i bleidleisio drwy'r post.

Datganiad preifatrwydd

Rydym yn casglu gwybodaeth o dan y sail gyfreithiol ei bod yn dasg a gynhelir er budd y cyhoedd, fel y nodir yn Neddf Cynrychiolaeth y Bobl 1983 a rheoliadau cysylltiedig. Byddwn yn cadw gwybodaeth bersonol yn ddiogel ac yn cydymffurfio â deddfwriaeth diogelu data.

Os ydych wedi dewis peidio ag ymddangos ar y gofrestr agored, byddwn ond yn defnyddio'r wybodaeth a roddwch i ni at ddibenion etholiadol, gan gynnwys ei chyfateb yn erbyn ffynonellau eraill o ddata ar y gofrestr etholiadol. Ni fyddwn yn rhannu gwybodaeth bersonol ag unrhyw un arall, oni bai ei bod yn rhaid i ni wneud hynny yn ôl y gyfraith. Mae'r gyfraith yn ei gwneud yn ofynnol i ni rannu eich gwybodaeth ag ymgeiswyr, pleidiau gwleidyddol ac ymgyrchwyr at ddibenion ymgysylltu democrataidd ac asiantaethau gwirio credyd er mwyn cadarnhau eich manylion pan fyddwch yn gwneud cais am gredyd.

Os nad ydych wedi dewis peidio ag ymddangos ar y gofrestr agored, gall unrhyw un brynu eich enw a'ch cyfeiriad a'u defnyddio at nifer o ddibenion, gan gynnwys marchnata uniongyrchol.

Y Swyddog Cofrestru Etholiadol yw'r Rheolydd. I gael rhagor o wybodaeth am brosesu data personol, dylech gyfeirio at ei hysbyseb preifatrwydd ar ei wefan. Gallwch ddod o hyd i gyfeiriad ei wefan a'i fanylion cyswllt yn comisiwnetholiadol.org.uk/pleidleisiwr.

Cais i bleidleisio drwy ddirprwy oherwydd anabledd

Dim ond un person a all gofrestru i bleidleisio drwy ddirprwy gan ddefnyddio'r ffurflen hon

Ysgrifennwch mewn inc du a defnyddiwch BRIFLYTHRENNAU. Pan fyddwch wedi cwblhau pob adran ac wedi llofnodi'r ffurflen eich hun, anfonwch hi i dîm etholiadau eich cyngor. Gallwch ddod o hyd i'w gyfeiriad yn comisiwnetholiadol.org.uk/pleidleisiwr.

1 Amdanoch chi

Cyfenw

Enw(au) cyntaf (yn llawn)

Eich cyfeiriad (ble rydych wedi cofrestru i bleidleisio)

Cod post

Rhif ffôn (dewisol)

E-bost (dewisol)

Mae nodi eich cyfeiriad e-bost a'ch rhif ffôn yn rhoi ffordd gyflym a hawdd i ni gysylltu â chi ynglŷn â'ch cais.

2 Ynglŷn â'ch dirprwy (y sawl rydych wedi'i ddewis i bleidleisio ar eich rhan)

Enw llawn

Perthynas deuluol (os o gwbl)

Cyfeiriad llawn

Cod post

Cyfeiriad e-bost neu rif ffôn (dewisol)

3 Am faint yr hoffech gael pleidlais drwy ddirprwy?

Hoffwn bleidleisio drwy ddirprwy (ticiwch un blwch yn unig):

am gyfnod amhenodol (pleidlais drwy ddirprwy barhaol)

am y cyfnod

rhwng
D D M M B B B B

a
D D M M B B B B

4 Pam rydych am bleidleisio drwy ddirprwy?

Darllenwch y nodiadau ar y tudalennau blaenorol a chwblhewch naill ai A, B neu C.

A – Ni allaf fynd i'r orsaf bleidleisio ar y diwrnod pleidleisio oherwydd yr anabledd canlynol:

B – Ni allaf fynd i'r orsaf bleidleisio ar y diwrnod pleidleisio oherwydd fy nallineb. Rwyf wedi fy nghofrestru'n ddall gan (yr awdurdod lleol canlynol):

C – Ni allaf fynd i'r orsaf bleidleisio ar y diwrnod pleidleisio oherwydd fy anabledd yr wyf yn cael budd-dal ar ei gyfer. Nodwch pa rai o'r budd-daliadau ar dudalen 2 rydych yn eu cael a'ch anabledd:

Cais i bleidleisio drwy ddirprwy oherwydd anabledd

5 Eich dyddiad geni a datganiad

Datganiad: Rwyf wedi gofyn i'r unigolyn rwyf wedi'i enwi'n ddirprwy a gallaf gadarnhau ei fod yn barod i bleidleisio ar fy rhan a'i fod yn gallu gwneud hynny.

Hyd y gwn i, mae'r manylion ar y ffurflen hon yn wir ac yn gywir. Rwy'n deall ei bod yn drosedd rhoi gwybodaeth anwir ar y ffurflen hon, ac y gallwn gael fy ngharcharu am hyd at ddwy flynedd a/neu gael dirwy.

Dyddiad geni: Nodwch eich dyddiad geni yn y blychau isod gan ddefnyddio inc du.

D	D	M	M	B	B	B	B

Llofnod: Llofnodwch isod gan ddefnyddio inc du, gan gadw o fewn y llinellau llwyd.

Os na allwch lofnodi'r ffurflen hon, cysylltwch â thîm etholiadau eich cyngor.

6 Dyddiad y cais

Dyddiad heddiw

D	D	M	M	B	B

7 Ategu'r cais hwn

Darllenwch y nodiadau er mwyn gweld pwy all ategu'r cais hwn. Cwblhewch naill ai 7A, 7B, 7C, neu 7D ar dudalennau 5 - 6:

Cwblhewch **7A** os ydych yn darparu gofal a/neu'n trin yr anabledd a nodir yn y cais, a'ch bod yn:

- ymarferydd meddygol cofrestredig (gan gynnwys deintydd, optegydd, fferyllydd, osteopath, ceiropractydd neu seicolegydd)
- nyrs gofrestrdig
- gweithiwr iechyd proffesiynol cofrestredig

Cwblhewch **7B** os ydych yn darparu gofal, triniaeth a/neu wedi trefnu gofal neu driniaeth o ran yr anabledd a nodir yn y cais, a'ch bod yn:

- weithiwr cymdeithasol cofrestredig

Cwblhewch **7C** os ydych yn:

- unigolyn sydd wedi'i gofrestru fel rhywun sy'n rhedeg cartref gofal preswyl
- warden eiddo a ddarperir ar gyfer pobl o oedran pensiwn neu bobl anabl

Cwblhewch **7D** os ydych yn:

- rheolwr iechyd meddwl cofrestredig neu'n gynrychiolydd unigolyn o'r fath

Nid oes angen i'r cais gael ei ategu os yw Rhan 4B neu 4C yn gymwys.

